



Pou Piblikasyon Imedya: 30/08/2019

GOUVÈNÈ ANDREW M. CUOMO

GOUVÈNÈ CUOMO ANONSE KONDISYON KALIFIKASYON YO POU PWOGGRAM REKONSTRIKSYON POU MÈT KAY YO BÒ LAK ONTARIO

Gouvènè a rezèye jiska 20 milyon dola pou ede mèt kay ki te viktim inondasyon ki te bat rekò a an 2019 nan kad Pwogram Sekou ak Rekonstriksyon Apre Inondasyon Lak Ontario-Rivyè St. Lawrence la

Pwosesis demann asistans pou mèt kay yo pral kòmanse 1ye Oktòb

Li antre nan kad Inisyativ pou Rezistans ak Devlopman Ekonomik Bò Lak Ontario Gouvènè a pou ranfòse enfrastrikti ki bò dlo Lak Ontario a epi amelyore ekonomi reyonal yo

Jodi a, Gouvènè Andrew M. Cuomo te anonse kondisyon kalifikasyon yo pou Pwogram Sekou ak Rekonstriksyon Apre Inondasyon Lak Ontario-Rivyè St. Lawrence (Lake Ontario-St. Lawrence River Flood Relief and Recovery Program) pou ane 2019 la ki pral ede mèt kay yo ki te sibi konsekans dirèk inondasyon Lak Ontario a ki te bat rekò ane sa a. Pwogram nan Gouvènè Cuomo te anonse pou premye fwa nan dat 7 Dawout 2019, pral distribye jiska 20 milyon dola pou elaji pwogram reparasyon kay la pou ede mèt kay yo ki te viktim inondasyon an. Pwogram nan, ki sou administrasyon Renouvelman Kay ak Kominote (Homes and Community Renewal, HCR) Eta New York la, pral ofri rezidan yo nan reydon uit konte ki te touche yo jiska 50,000 dola finansman eta pou ede konpanse dega yo nan rezidans prensipal yo. Peryòd pou mèt kay yo fè demann asistans la ap kòmanse nan dat 1ye Oktòb epi l ap fèmen 31 Oktòb 2019.

"Plizyè santèn mèt kay ak biznis te sibi gwo dega nan pwopriyete yo pandan inondasyon ki te bat rekò ane sa a sou Lak Ontario", **Gouvènè Cuomo te deklare.** "Pandan n ap kontinye envesti nan ranfòse enfrastrikti an sou rivaj la pou li dire pi lontan, n ap ede mèt kay yo tou akoutèm pou yo jwenn resous yo bezwen yo pou fè reparasyon ki nesesè yo nan kay yo. Finansman esansyèl sa a pral ede mèt kay sa yo ki devaste poutèt inondasyon an rebati pi solidman."

"Kòm mwen wè destriksyon an ak je pa mwen pandan vizit nan kominote ki te viktim yo, mwen konnen jan inondasyon Lak Ontario a te devastatè pou rezidan lokal yo", **Gouvènè Adjwen Kathy Hochul te deklare.** "Gras a finansman sa a, mèt kay yo pral kalifye pou resevwa soutyen nan men Eta New York pou ede rebati pi byen ak pi solidman. Pase pa preparasyon nou yo pou inondasyon, komisyon Inisyativ pou Rezistans ak Devlopman Ekonomik an (Resiliency and Economic Development Initiative, REDI), ak envestisman sible, nou pare pou nou ede epi nou pran angajman ranfòse enfrastrikti sou rivaj Lak Ontario a."

Pwogram Sekou ak Rekonstriksyon Apre Inondasyon Lak Ontario-Rivyè St. Lawrence pou ane 2019 la ajoute sou Inisyativ Rezistans ak Devlopman Ekonomik Bò Lak Ontario Gouvènè a, oswa REDI, kote Eta a ap envesti jiska 300 milyon dola nan pwojè kominate yo idantifye nan tèt ansanm avèk yon komisyon Eta ki gen plizyè òganis ladan ki pral ranfòse enfastrichti an sou rivaj Lak Ontario epi an menm tan ranfòse ekonomi lokal rejon an nan tèt ansanm avèk yon komisyon dirijan òganis eta.

Moun ki fè demann yo kalifye pou resevwa finansman pou depans ke lòt sous tankou asirans pa kouvri, epi yo dwe mèt kay prensipal ki rete nan uit konte ki asosye yo avèk REDI - Cayuga, Jefferson, Monroe, Niagara, Orleans, Oswego, St. Lawrence ak Wayne - epi respekte kondisyon ki pi ba yo:

- Mèt kay ki te viktim inondasyon ant 1ye Janvyé 2019 ak 30 Septanm 2019 gen dwa fè demann finansman.
- Yo dwe resevwa demann yo ant 1ye Oktòb 2019 ak 31 Oktòb 2019.
- Priyore a se ap pou demann pou okipe dega ki te fèt nan rezidans prensipal ki te sibi dega fizik ki dirèkteman poutèt inondasyon epi ki menase sekirite kay la.
- Inisyativ rekonstriksyon bò Lak Ontario a konsantre sou rezistans rivaj la annantye, epi yo pral egzamine demann ki pou okipe dega izole sou rivaj la ki menase sekirite yon rezidans prensipal lè yo fin pran desizon finansman pou pwojè yo pwopuze nan kad pwosesis REDI an. Nan sèten ka, pwojè rejyonal enpòtan sa yo gen dwa ofri pwoteksyon pou kay endividylè.

Pou enskri pou nouvèl epi resevwa avètisman lè fòmilè demann lan disponib, ale sou [sit wèb](#) HCR la.

RuthAnne Visnauskas, ki se Komisè Biwo Renouvèlman Kay ak Kominote Eta New York la, te deklare, "Li pa janm fasil pou rezidan yo rebati nan kontrekou yon gwo inondasyon epi kou rekonstriksyon an souvan fè yon sitiyasyon difisil vin pi mal youjou. Gras a lidèchip Gouvènè Cuomo, Eta a ap bay mèt kay yo koutmen nan redui fado finansye a ki gen dwa ap ralanti efò restorasyon yo. HCR kanpe pare pou bay fanmi sa yo soutyen total li pandan y ap travay pou repare kay yo nan kontrekou inondasyon san presedan sa a".

Prezidan Empire State Development ak Ko-Prezidan Komisyon REDI la Howard Zemsky te deklare, "Garanti rezidan yo toupatou nan rejon ki touche yo kapab rekanpe sou pye yo epi rebati lavi yo nan kontrekou inondasyon grav ak istorik ki te genyen sou rivaj Lak Ontario a se yon priyore prensipal Komisyon REDI la. Nou pral kontinye travay pou sible bezwen ak pwojè presi pati enterese lokal yo bay priyore, epi konsa ede kominate sa yo refè epi an menm tan vin pi rezistan".

Komisè Depatman Konsèvasyon Anviwònmantal la (Department of Environmental Conservation), Basil Seggos te deklare, "Anvan, pandan, ak apre yon inondasyon istorik frape kominate yo ki sou rivaj Lak Ontario a ane sa a, Gouvènè Cuomo te sou teren an, ap pote lidèchip pratik pou pwoteje ak soutni kominate ki te viktim nivo dlo wo yo. Angajman Gouvènè a nan ede rezidan yo sou rivaj la rekipere epi rebati san presedan ak fèm. Finansman yo anonse jodi a pral ede mèt pwopriyete yo ki sou rivaj la vin pi rezistan epi an menm tan ofri mèt kay sa yo soulajman yo ekstrèmememan bezwen an".

###

Lòt nouvèl disponib sou sitwèb www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)